

*They that can give up essential liberty to obtain a little temporary safety deserve neither liberty nor safety.*

Benjamin FRANKLIN

# LA VIE AU RWANDA

N° 43

Fax : (250) 7 6574

Tél. 7 2695

B.P. 2154 KIGALI

Cpte BCR 25 222/02

Avecam

100 Fr

HANGIMANA Fr. Xavier Rédacteur en Chef

Tél. : 7 4886

"Give me liberty,  
give me death"  
Patrick HENRY




*Aho kunigwa n'ijambo  
uzanigwe n'uwo uribivu.*

0712

Padiri RUZIGANA ARI MU MAZI  
ABIRA: INTERAHAMWE ZA MRND  
ZATUMWE KUMURIGISA.

## La Cour Constitutionnelle

*La cour constitutionnelle séant à Kigali, a rendu les arrêts suivants ...*



imbaga itikira kandi bigakurura. n'intambara hagati y'u Burundi n'u Rwanda. Keretse niba ariwo mugambi.

None se abahutu bo mu Burundi ko nta ntwaro bagira, kubabwiriza kwivumbura si ukuboreka, uretse ko no kwigisha abahutu gusubiranamo ari ugukora amahano. Uretse gushaka kworeka abahutu, abo banyarwanda b'indakoreka hari amafaranga ahagije bafite yo gufasha abahutu bo mu Burundi ? Kandi n'iyo abahutu bo mu Burundi bagera ku butegetsi bakiwara nk'uko twabigenje, ahubwo bwanera nkuko natwe tumeze ubu. Nyamara hari uburyo bundi bworoshye bwo gufasha u Burundi gumemura ibibazo byabwo.

Igihe Angola na Mozambique byabonaga ubwigenge, abazungu babonye bafatwa nabi barahunga, bituma n'Afurika y'epfo ica imbutura ishoza intambara muri biriya bihu uko ari bibiri. Aho Zimbabwe iboneye ubwigenge abazungu ntibahambirizwe, bigomba kuba byaratumye abo muri Afurika y'epfo babona ko abirabura bashobora

gutegeka kandi ntibashyre imbere umuco wo guhora. No mu Burundi ni uko u Rwanda rugomba kwifata.

Uburyo bworoshye bwatuma abatutsi bo mu Burundi badakomeza kwishisha abahutu, ni uko u Rwanda rwabaha urugero rwereka na ko abahutu bashobora kugira umwanya ukomeye mu butegetsi bw'ighugu ntibivuge ko abatutsi bagomba guhezwa. Yego iyi nzira yafata igihe, ariko niyo yatuma ibihugu byacu bibana neza, kandi abahutu bakazashyira bakagira ijambu hatamenetse amaraso abyara inzigo zisaba buri gihe ko hameneka andi. Ibi kubigeraho bizagora, kuko indakoreka z'ingeri zose zeze muri iki gihe kuko ku zishyira imbere amoko, hari n'izitwaza uturere.

Hari ngo abaterwa ibineza neza n'isubiranamo ry'amoko. Nyamara ni ukwibeshya cyane, kuko iyo abantu bigishwa ko kugirira uwo mudahuje ubwoko nabi ntacyo bitwaye, birorohera ba gashozamvuru kubigisha no guhohotera abo mutundi turere. Ngirango ibikorerwa muri za Ruhengeri na Gisenyi iyo

habaye za mitingi ni urugero ru subirwaho. Biramatse bitamanywe mu maguru mashya, byabyara intambara hagati y'abakiga n'abanyanduga. Nta kabza ibyo byazageza u Rwanda ahake myeye. Nyamara ni ngombwa kumenya ko hari ababifitemo inyungu kandi ntihabura n'ighugu dutunye cyadutiza undi muhoro nkulu Museveni yabigenje.

Ibi byose twunguranyeho tekerezo biratwereka ko nta kavun k'indakoreka, igice zaba zisheremo cyose. Ikindi ni uko ibyo dukon none byose ari imbuto tubiba abana bacu bazasarura ejo. Kereta niba turi ababyeyi babi, naho undi nta mubyeyi muzima wabiturukungu ashakira amaramu abana be. Ibi birasaba ko abanyarwanda bamagana indakoreka z'amoko yose. Ibyo abanyarwanda bose bagomba kubitozwa. Gukunda ighugu nta kindi bigomba gusobanura, kandi ighugu si ubutaka, n'abaturage bacyo bose nta kurobanura ubwoko cyangwa akarere.

NZABAMBIKORA Thomas

## Padiri RUZIGANA ari mu mazi abira Interahamwe za MRND zatumwe kumurigisa

Padiri RUZIGANA ni umwe mu banya Gitarama b'abahutu bavoneye ishyano mu butegetsi bw'abakiga. Akirangiza Seminario y'i KANSI yinjiye mu ishuri rikuru rya gisirikari ryari rikitwa EO (Ecole des Officiers). Abiganye n'ubo mugabo bemeza ko yari intwari, akaba n'nyangamugayo. Mu gihe RUZIGANA yari arangije ishuri rikuru rya gisirikari agomba guhabwa ipeti rya Sous-Lieutenant, nibwo inzangano z'abakiga n'abanyanduga zari zimaze gukara. Abasirikari b'abakiga ntibashakaga ko hagira umunyenduga uba Ofisiye, dore ko babonaga abari bamaze kuarangiza bashobora kubarusha ubutwari. Twese turibuka intwari Ca-

pitaine BIZIMANA ukomoka i Gitarama wishwe urubozo n'abategetsi ba Republika ya Kabiri, ba Capitaines babiri bari abaderevu b'indege ya KAYIBANDA n'abandi

RUZIGANA rero akirangiza mu ishuri rya gisirikari, yasanze harashyizweho itegeko ritanditse ry'uko umunyanduga wese ariko cyane cyane umunya Gitarama, agomba kwirukanwa atabayi Ofisiye. Ibyo byari ukugira ngo abakiga batazagira ingorane zo gufata ubutegetsi no kwica abanyanduga mu mudendezo. Twibutse ko icyo gihe Minisitiri w'Ingabo yari HABYARIMANA, naho uwayoborga Ishuri Rikuru rya Gisirikari aka ba yari GAHIMANO.

Nk'uko byabaye ku banyenduga batari bacye, RUZIGANA yiteguraga guhabwa ipeti yatsindiyera Sous-Lieutenant abona lisiti isohotse y'abemerewe kuba Ofisiye ntariho. Ibyo byamubereye urujijo dore ko Coup d'Etat yari itaraba,

Yahise ajya kubaza GAHIMANO ati byagenze bite ? Noneho GAHIMANO amusubiza ko icyemezo cyaturutse hejuru muri ETAT-MAJOR. Ashatse kubaza ibukuru bamubwira ko azabaza Minisitiri w'Ingabo z'Ighugu. Ubwo abanyenduga bari bamaze kumenya amayeri y'abakiga bagira inama RUZIGANA yo kubyihorera agahebera urwaje.

## RUZIGANA i Gitarama.

RUZIGANA amaze kwirukawa ari aho avuka i Gitarama, ya abona akazi ko kuba umunyabanga wa Perefegitura. Ibyo ari le ntibayubuzaga abakiga kumwanga no kumuhozaho ijisho kuko bazi neza ko ari umusirkari. Mu 1973, RUZIGANA yabaye uwa mbere mu banyagitarama bafashwe burufunga. Abakiga batinya ko ashobore guhunga maze akazatahuna abasirkari nk'uko byagenze muri LIBERIYA. Abandi basanze RUZIGANA mu munyururu ni umuyepolitiki bo muri Repubulika yambere.

Burya ariko ngo uwo Imana kurakaho amaboko ntacyo aba. Mu gihe LIZINDE yoherezaga ilisti y'abagomba kujya mu RUHENERI gukubitwa inyundo, RUZIGANA wari ufungiye i Gitarama hamwe n'abandi basanze atari kuri lisiti y'abagombaga kujyanwa. Ibyo byatewe ahanini n'uko iyo gorwa yari yarafunzwe mbere y'abandi ikaza kwibagirana bitewe kuri n'uko nta mwanya ukomeye yari yarahawe.

Hashize igihe gito abandi bagive mu RUHENERI aho bagombaga kwicirwa, umukiga wari ushinzwe gereza ya Gitarama yatefonne LIZINDE amubwira ko hari umunyururu umeze nk'ingegeza wafashwe. LIZINDE yahise ategka ko bamufungura agataha kuko yemezaga ko ubwo ari ibandi bahuye akayifunga atabanje kwitegeresa. Nguko uko RUZIGANA yakiye akanyundo k'abakiga bo muri Repubulika ya 2.

## RUZIGANA muri MINIFOP.

Umunabyago RUZIGANA yamaze gufungurwa yibaza aho azaba biramuyohera. Dore ko ari mu munyururu atatinyukaga kuvuga izina rye ngo batamujyana mu RUHENERI kumwica. Yasanze kujya iwabo mu giturage ntacyo byamugezaho kuko yari gufatwa nabi hadateye kabiri. Niyo mpa-

mvu yahisemo kujya gutemberera amasafaranga muri CYANGUGU yitwa irindi zina. Birumvikana ko bitabuze kumutonda n'ubwo tuzi ko abasirkari ari abantu bigishwa kubabara.

RUZIGANA amaze kumenye, yararebye asanga telegramme zamushakishaga zimaze gucogora. Ubwo yibutse ko yiganye na Commandant RWAGAFILITA wari umaze guhabwa Minisiteri y'Abakozi ba Leta n'imrimo. Sibwo se aje i KIGALI kumutakambira. Yewe koko kwigana n'umuntu ni igitango. RWAGAFILITA yemeye kumuha akazi muri MINIFOP kugirango ashobore kubona ayo kugura umwenda na byeri.

## RUZIGANA mu Nyakibanda.

Umusore RUZIGANA yakomeje gukurikiranira hafi ukuntu abanya Gitarama bishwe urw'imbwa. Niko kandi yarushagaho no gu-senga Imana ayisaba kwiyeraka inkoramaraso za Repubulika ya kabiri. Mu 1079 niho ijwi ry'Uwiteka ryamuhamagaye, rimutegeka kujya mu iseminari nkuru ya Nyakibanda. Icyo gihe Musenyeri GAHAMANYI yamwakiranye ubwuzu n'ubwo atari ayobewe inkurikizi zo kwemerera umuntu nk'uko. Ibyo ntawabura kubimushimira.

Ikindi gishimisha abazi RUZIGANA, ni ukuntu yitwaye neza mu iseminari nkuru. Yabaye umupadiri w'intangarugero, ndetse ntiyati nyaga no kubwiza ukuri bamwe mu batutsi bo mu Nyakibanda bari bameze kwigira indakoreka. Umu-gambi w'Imana wujujwe ubwo uwo muziranenge yahabwaga ubusaseredoti, akakirwa n'abakirisu ba diyoseze ya Kabgayi.

## RUZIGANA ngo agomba kwicwa.

Padiri RUZIGANA amaze kwiyegeurira Imana, yahuye n'ibi-

bazo bitari bike. Ieya mbere ni irondamoko ryiganje muri Diyoseze ya Butare aho yagombaga gukora. Yaratotejwe karahava, ahitamo kwi-sabira kujya muri Diyoseze ya Kabgayi. Inkubiri y'amashyaka menshi yasanze ari muri Paruwasi ya Kibangu ho muri Komini Nyakabanda.

Bitewe n'ubwitange bwe no gu-kundwa n'abakirisu, ibyo byarakaje cyane abambari ba MRND. Burugumesitiri wa Komini Nyakabanda yazaga kumurega buri munsi ku bategetsi bo mu kazu. Ahanini yamuzizaga ko umuco wo guhakwa waranke Repubulika ya kabiri utamurangwaho. J

Ishyaka MDR PARMEHUTU ivuguruye rimaze kwigarurira Gitarama yose, abategetsi ba MRND bashatse ibitambo. Padiri RUZIGANA na padiri MUSONI, Curé wa Paruwasi KIBANGU, bohererejwe ba Maneko n'izindi nte-rahamwe zatojwe ibya gisirikari kugira ngo barebe uko bamwumvisha. Uwirukanwe mbere ni Padiri RUZIGANA. Ibyamukoreweho ni nk'ibikorerwa abanyamahanga bikanwa mu gihugu kitari icyabo. Abategetsi bamumenyesheje ko agomba kuva i KIBANGU niba adashaka kwicwa. Yewe ni akumiro.

N'uko twabimenye, Padiri RUZIGANA yahise ahambira utweaza muri EVECHE ya KABGAYI ahama icyumweru. Nyuma yaho yoherezwe i NTONGWE ho muri Paruwasi ya KINAZI. Naho MUSONI we aracyahanyanya i KIBANGU. Nubwo ari umututsi usanga yaritangiye ukuri. Abasaseridoti nka bariya bahitamo kwirirwa bahakirizwa, bakiyibagiza ko KRISITO yaje aje gukuraho burundi ingoma ya gihake. Mu nyigisho ze, Padiri RUZIGANA avuga ko nta wari ukwiye gutinya abantu, ko ahubwo akwiye gutinya icyadutandukanya n'Imana. Nakomere turamushyigikiye. INTE-RHAMWE zizashira, ariko ijambony'Imana rizahoraho iteka.

MYASIRO Claude

# Igisasu muri Gare Routière i Kigali ku ya 25/04/92

**Ibisasu bizajya biturika bizajya byegekwa kuri  
M.R.N.D. na C.D.R.**

Mbere na mbere twibuke amagambo Minisitiri w'intebe NSENGIYAREMYE yavuze atanga gahunda y'imrimo ye.

*Byaragaragaye kandi ko hari udutsiko tw'abantu dutangiye kwitwara nkaho ari ingabo z'ishyaka iri n'iri, ibyo bikaba binyuranyije n'itegeko rigenga amashyaka, rubuza amashyaka ya politiki kugira imitwe y'Ingabo.*

Ku ya 25/04/92 saa yine twumvise ikintu giturika : twari abanyamakuru, turi mu nama y'ishyirahamwe A.J.R. Nyuma twumva kizunguzungu, tuti : karabaye.

Gare Routière yasenyutse igisenge, inzugi ziriya abantu barakomereka byo gupfa, barimo n'uriya uducururiza ibinyamakuru. Twamenye ko ushinzwe Gare Routière yaterefonna asaba imodokayo kuzimya umuriro akayibona vuba. Si nk'ubushize igihe yaterefona, bakabanza koheresa umuntu wo kugenzura ko ibyo avuga ari byo (nka bya bindi by'umwami w'i Roma, Nero, watwitse umugi, yarangiza akajya kuririmba).

Gukora iperereza nka ririya biragoye kugira ngo rigire uwo rifata. Ibivugwa ni byinshi, ariko igihe ukuri kutaraboneka umuntu ashobora gutanga igitekerezo cye (intime conviction).

Inama ya guverinoma yari yaraye yishimiye ko umutekano urimo ugaruka buhoro buhoro, ibyo bikaba bitarabuze uwo birya, kuko hari abatishimiye ko guverinoma ya NSENGIYAREMYE «yuzuyemo ibyitso» yagira icyo igeraho kizima.

Mwagiye mwiyumvira ukuntu M.R.N.D. na C.D.R. bishaka gushoza imvuru kugira ngo umutekano ubure, noneho iriya «guverinoma y'ibyitso» iburiremo. Nta n'ukuntu ariya mashyaka atagira ishyari abonye ubutegetsi bw'i Burundi n'ubwa Tanzaniya bwerekanye ko bushygikiye byimazeyo guverinoma nshya, cyane cyane ko intumwa ya M.R.N.D. igihe yoherezwa i Burundi yakubwe na zero.

Kiriya gisasu cyo muri Gare, Radiyo yacyegetse ku nkotanyi, nta n'ibimenyetso umunyamakuru atanze. Hari umugambi ushobora kuba muhimbano, ubu tegetsi karahanyuze bwagiye bugeza ku banyarwanda, ngo inkotanyi zizakora ibikorwa by'iterabwoba, ngo niho ziyeze.

Usibye ko mu Rwanda habuze inkotanyi n'imwe, biriya bintu bishobora kuba umugambi wo gushaka kwerekana ko n'intambara iri mu gihugu imbere kugira ngo ba rusaruriramunduru bikore ibyo bashaka. Twatangije ijambo rya Minisitiri w'Intebe rivuga ingabo z'amashyaka. Ziraho.

Utazizi azabaze interahamwe icyo ari cyo, cyangwa impuzamugambi. Ikiranga ingabo ni akanyuguti «i». Abandi bayobo ke b'amashyaka bitwa abarwana shyaka, naho aba F.P.R., M.R.N.D., C.D.R., niingabo. Eseko abayobo ke ba Runari (U.N.A.R.) bitwaga abaterahamwe, kuki abayobo ke (urubyiruko) ba M.R.N.D. bakwiyyita nk'ingabo ? Aba C.D.R. nabo bari kwiyita abahuzamugambi iyo badasaka kuba ingabo.

Igihe cyose bataratwereka ko ari inkotanyi zateze kiriya gisusu, tuzajya twegeka ariya marorerwa ku bemera ku mugaragaro ko ari intwaramuheto, nako intwaramasasu.

HANGIMANA F—i. Xavier